



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-04-11319-1/20
Sarajevo, 22.06.2020. godine

SKUPŠTINA KANTONA SARAJEVO

- o v d j e -

n/r Mirza Čelik, predsjedavajući

PREDMET: Informacija po pitanju realizacije Zaključka Skupštine Kantona Sarajevo

Poštovani,

Skupština Kantona Sarajevo, na sjednici održanoj dana 18.05.2020. godine, donijela je Zaključak broj:01-04-11319-1/20 kojim se, između ostalog, obavezuje Ministarstvo prostornog uređenja, građenja i zaštite okoliša da u okviru svoje nadležnosti hitno pristupi rješavanju problema ispuštanja otpadnih voda sa visokim koncentracijama arsena i sulfata bez tretmana direktno u rijeku Željeznicu koja pripada trećoj vodozaštitnoj zoni, te da o poduzetim radnjama izvještava Skupštinu svaku radnu sjednicu.

S tim u vezi obavještavamo, da ovo Ministarstvo nema nadležnosti vezano za rješavanje predmetnog problema. Naime, prema članu 5. Zakona o vodama Federacije BiH ("Službene novine Federacije BiH", broj 70/06), Željeznica je vodotok I kategorije na vodnom području Save i u nadležnosti je Federacije BiH. Inspeksijski nadzor nad provođenjem navedenog Zakona vrši federalna vodna inspekcija.

Uslovi ispuštanja komunalnih otpadnih voda, tehnoloških otpadnih voda u okoliš ili javne kanalizacione sisteme, te monitoring i ispitivanje otpadnih voda su propisani Uredbom koju je, shodno Zakonu o vodama FBiH, donijela Vlada Federacije BiH 16.04. ove godine i koja je objavljena u Sl. novinama FBiH br. 26/20.

Članom 26. Uredbe je definisano da nadzor nad ispuštanjem tehnoloških otpadnih voda u okoliš od strane privrednih i industrijskih subjekata obavlja takođe federalna vodna inspekcija.


S druge strane, odvođenje otpadnih i atmosferskih voda na području Kantona Sarajevo je regulisano Uredbom o opštim uslovima za snabdijevanje vodom za piće, obradu i odvođenje otpadnih i atmosferskih voda ("Službene novine Kantona Sarajevo", broj 22/16), donesenom na osnovu Zakona o komunalnim djelatnostima Kantona Sarajevo.

Nadzor nad provođenjem Uredbe je u nadležnosti Ministarstva komunalne privrede i infrastrukture.



Pošto se u konkretnom slučaju radi o vodozaštitnom području, ova problematika je prema Zakonu o vodama Kantona Sarajevo ("Službene novine Kantona Sarajevo", br. 18/10 i 43/16) u nadležnosti Ministarstva privrede, a kantonalni vodni inspektor obavlja poslove inspekcijskog nadzora ukoliko postoji neposredna opasnost za zagađenje izvora vode namijenjenog za snabdijevanje vodom za piće.

S poštovanjem,



MINISTAR

Fayuk Kapidžić, dipl.ing.arh.

Dostaviti:

- Naslov
- ⊖ Stručna služba Vlade, ovdje (na znanje)
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

